

周
禮
補
注

周禮釋注敘

周官一書漢初出於山巖屋壁旋入秘府世儒莫得見其
經師傳授皆不可考何休林碩之徒漢人已不能無疑宋
元而後之紛紛觝排者更無論矣余嘗徵之羣經稽之史
傳而知爲成周之古文舊典六國變古暴秦燔書周官寢
廢漢初始著於世獻王得之毛公傳之自劉向以前諸儒
稱道者不絕其向歆以後徵引周官者則不具述云粵稽
唐虞建官有司徒司空秩宗共工士虞之職夏官殷官二
百周設官三百六十考之書詩若牧誓司徒司馬司空立
政虎賁師氏太保太史內史詩巷伯寺人孟子無羊牧人

乃夢雲漢趣馬師氏膳夫左右十月之交有卿士司徒宰膳夫內史趣馬師氏之屬其職並與周官合逸周書職方解卽夏官職方氏文詩序出於孔門有候人挈壺氏之官有狐序古者國有凶昏則殺禮而多昏與大司徒荒政多昏合觀於書詩所載其爲成周之制作明矣儀禮所稱官制若士冠禮筮人執筴燕禮射人告具獻內小臣闔人爲大燭於門外又以授弓人大射儀量人量侯道巾車張三侯獻服不聘禮乃謁關人士喪禮家人營之卜人抱龜雉少牢禮司士擊豕廩人概甌甌七小祝設槃匭鄉飲酒燕禮大射儀俱有太師燕禮公食土喪禮俱有甸人大射公

食禮俱有宰夫大射儀胥薦主人胥卽胥徒聘禮胙肉及
庾車庾卽庾人燕禮膳宰卽天子之宰夫庶子卽天子之
諸子王朝侯國之異名也又鐘人卽鐘師之屬宗人卽都
宗人家宗人之屬雍人卽內饗外饗之屬並與周官合儀
禮爲周公所作則此周官亦元公之舊典也降自春秋之
世列國多僭改周制然左氏傳莊十九年王收膳夫之秩
僖二十四年王御士二十八年賜之虎賁三百人宣公十
二年獸人毋乃不給於鮮又豈敢辱侯人成十年甸人獻
麥成十八年司士屬焉襄二十三年季孫召外史三十一
年巾車脂轄哀三年命校人乘馬十四年迹人來告又宣

二年宦其餘子與大司徒之餘子合襄九年及其大夫門子與大宗伯之門子合又有大宰宰夫大司徒大司馬大司寇太史內史宗伯行人封人寺人圉人樂有太師刑有士卜祝闔僕醫巫之屬其與周官合者已比比若是矣迨戰國時開阡陌置郡縣周官之法大壞其學亦幾絕是以馬融傳云秦自孝公以下用商君之法其政酷烈與周官相反始皇禁挾書搜求焚燒之獨悉孝武除挾書之律周官始出漢書河間獻王傳所得書皆古文先秦舊書周官其一也獻王博士大毛公親見其文著之故訓傳今考行露傳昏禮紉帛不過五兩媒氏文君子偕老傳副者后夫

人之首飾編髮爲之追師文駟鐵傳冬獻狼夏獻麋人
文七月傳大獸公之小獸私之大司馬文白華傳王乘車
履石隸僕文篤公劉新國則殺禮也掌客文駟傳諸侯六
閑馬四種校人文大車傳天子大夫四命其出封五命如
子男之服唐無衣傳侯伯之禮七命冕服七章皆大行人
文又無衣傳天子之卿六命車旗衣服皆以六爲節生民
傳嘗之日蒞卜來歲之芟獮之日蒞卜來歲之戒社之日
蒞卜來歲之稼肆師文又秦無衣傳戈長六尺六寸矛長
二丈考工記廬人文行葦傳天子之弓合九而成規考工
記弓人文記亦獻王所得故毛公依用之或曰禮記正義

言孝文使博士作考工記然則孔疏非歟曰非也釋文序錄云河間獻王開獻書之路時有李氏上周官五篇失事官一篇乃購千金不得取考工記以補之此記得自獻王之明證墨子非儒下云今之鮑函車匠孟子云梓匠輪輿矢人函人今皆見於考工記墨子孟子皆在未焚書以前而其言與記合南史稱盜發楚王家獲竹簡書王僧虔謂是科斗書考工記然則考工一篇亦東周以後之古書當時以足周官非無謂也漢以前之引周官者藝文志言魏文侯最爲好古孝文時得其樂人竇公獻其書乃周官大宗伯之大司樂章劉向別錄雜記竇公二十三當卽大司

樂文大戴禮朝事篇載典瑞司儀大行人小行人掌客文
小戴禮內則記載食醫庖人內饗文其見於稱述信而有
徵如此方周官之初出未顯爲故書古文許慎說文自序
其稱禮周官皆古文五經異義亦稱古周禮說成帝後劉
向子歆校理秘書著於錄畧是爲今文歆傳杜子春子春
傳鄭眾賈逵而周官之學始著大儒鄭君從馬融及張恭
祖受學爲周禮注合故書今文而參之考訓詁摭秘逸發
疑正讀厥功偉矣余既不揣愚陋開發鄭旨以相賈疏之
所未及爲釋注二卷復恐後人之疑經并以注爲可議於
是摭成周之制度近漢氏之淵源證其爲周公致太平之

道道字據禮記正義

以昭示來茲庶後之學周禮者尊經益以信

注則此序之所爲作也

道光三年八月初七日淮安山陽丁晏自敘

周禮釋注卷一

淮安山陽丁晏學

天官

胥十有二人注胥讀如譖謂其有才知爲什長 案大行人注胥讀爲譖說文言部譖知也从言胥聲

官正釋文此以下鄭總列六十職序干注則各於其職前列之 案干實引序官各冠於職前與鄭本合爲一編者異近人刻周禮有割裂序官於每官之下者干氏已先之矣

獻人釋文本又作魚 案五經文字漁獻二同

酒人奄十人注奄精氣閉藏者今謂之宦人 案說文門
部闔堅宮中奄闔閉門者从門奄聲釋元應衆經音義卷
一卷十兩引周禮闔十人鄭元曰闔精氣閉藏者今謂之
宮人

奚三百人注古者從坐男女没入縣官爲奴其少才知以
爲奚今之侍史官婢或曰奚宦女 案說文女部嫗女隸
也从女奚聲集韻十二齊嫗通作奚

司會注若今尙書釋文尙音常 案漢書百官公卿表成
帝建始五年初置尙書員五人藝文類聚職官部引釋名
尙書尙上也言最在上總領之也是尙書亦可讀如本字

職內注若今之泉所入謂之少內 漢制攷少內嗇夫白
吉日食皇孫亡詔令注少內掖庭主府臧之官也

大宰以八瀆治官府釋文瀆古法字 案說文鴈部瀆刑
也平之如水從水鴈所以觸不直者去之从去今文作法
五經文字瀆古法字見周禮

五曰賦貢以馭其用注貢功也九職之功所稅也 案易
繫辭傳六爻之義易以貢釋文荀作功古貢功通用故鄭
訓爲功

四曰家削之賦注家削三百里釋文削本亦作稍又作鄒
案削古文段借字依字當作鄒或作稍稍人注距王城三

百里曰稍說文邑部郇國甸大夫稍稍所食邑从邑肖聲
周禮曰任郇地在天子三百里之內鄭云三百里與許君
合段氏王裁周禮漢讀攷謂載師注作削削卽郇之譌字
非也

八曰匪頒之式注匪分也頒讀爲班布之班謂班賜也
案大宗伯注頒讀爲班大史先鄭注頒讀爲班明堂位頒
度量而天下大服注頒讀爲班釋元應大般涅槃經音義
班案古書或作頒同

八曰旂貢注鄭司農云旂貢羽毛 案先鄭云羽毛卽羽
旄也書厥貢羽毛齒革釋文作旄史記夏本紀亦作旄毛

旄古今字漢讀攷改注作旄謂今本誤作毛非也凡段氏書多肌改本文竊所不取

正月之吉注正月周之正月吉謂朔日 案唐會要引干寶注正月周正建子之月吉朔日也義本鄭氏

立其兩兩謂兩卿 案書蔡仲之命正義曰周禮立其兩馬鄭皆云立卿兩人是鄭說與季長同本於師說也

小宰之職注若今御史中丞 案續漢志注引干注云若御史中丞與鄭同惠氏禮說謂此注決非康成之語爲干注雜入鄭注晏謂賈氏依鄭作疏與干寶絕不相涉何得雜入鄭注惠說非也且干氏與鄭注頗多相同續漢志注

劉昭引干注展牲若今夕牲夜士今都候之屬司門如今校尉納亨納牲之將告殺謂向祭之辰也皆與鄭同小宰宮刑鄭讀如字釋文云干同蓋合升生鄭氏之後沿用舊說惠氏反以鄭注爲干注此大惑也

六曰斂弛

此依唐石經作弛今本作弛非

之聯事注杜子春弛讀爲施

案遂人與其施舍者注施讀爲弛遂大夫與其可施舍注施亦讀爲弛土均與其施舍注施讀爲弛毛詩矢其文德傳矢施也孔子閒居引詩弛其文德注弛施也古字多通用

四曰聽稱責以傳別注鄭司農云傳別謂券書也傳傳著

約束於文書元謂傅別爲大手書於一札中字別之 案

說文刀部券契也从刀尖聲券別之書以刀判契其旁故

曰書契釋名釋書契券縑也相約束縑縑以爲限也蒯別

也大書中央中破別之也

續古文苑有晉太康五年楊紹買冢地蒯

七曰聽賣買以質劑注質劑謂市中平賈今時月平是也

釋文平劉音病 案司市先鄭注質劑月平釋文平皮命

切揚子法言一闕之市必立之平集韻四十三映平平物

價也漢謂之月平皮命切與劉昌宗讀如病合

歲終則令羣吏致事注使齎歲盡文書來至若今計 案

漢書五帝紀受計於甘泉師古曰受郡國所上計簿也若

今之諸州計帳

宮正次舍之衆寡注次諸吏直宿若今部署諸廬者 案
漢書金日磾傳小疾臥廬師古曰殿中所止曰廬文選西
都賦周廬千列李善注史記衛令曰周廬設卒甚謹張晏
曰直宿曰廬

以木鐸修火禁凡邦之事釋注鄭司農讀火絕之云禁凡
邦之事釋文讀威如字徐音豆 案集韻五十候讀噴誦
書也周禮鄭司農讀火絕之徐邈讀或从口

庖人共祭祀之好羞注若荊州之鯪魚青州之蟹胥釋文
字林云蟹醬也 案說文魚部蕭臧魚也南方謂之鮓北

方謂之煮从魚差省聲肉部胥蟹醢也从肉胥聲釋名釋
飲食鮓菹也以鹽米醢魚以爲菹熟而食之也蟹胥取蟹
藏之使骨肉解胥胥然也集韻三十五馬蕭或作鮓鮓鮓
夏行脰鮓膳膏臊注鄭司農云脰乾雉鮓乾魚膏臊豕膏
也 案說文肉部脰北方謂鳥脂脰从肉居聲鮓乾魚尾
肅肅也从肉肅聲周禮有脰鮓臊豕膏臭也从肉臬聲凡
許所說多與先鄭同蓋許君從賈逵受古學賈與先鄭同
受業于杜子春其師傳同也

肉養牛夜鳴則庖注鄭司農云庖朽木臭也 案說文广部
厝久屋朽木从广酉周禮曰牛夜鳴則庖許說亦與先鄭

同

豕盲視而交睫腥注腥當爲星聲之誤也肉有如米者似星案掌客注牲當爲腥字之誤也論語釋文君賜腥說文字林並作胜云不熟也又君生魯讀生爲牲史記律書建星者建諸生也星从生聲腥从星聲古聲近多通用鼈人掌取互物注鄭司農云互物謂有甲肅胡龜鼈之屬案釋名胡互也在咽下垂能斂互物也古胡互聲相近鄭以互物爲肅胡取聲相近也

其廬贏蜺注杜子春云廬蟬也釋文蟬字又作蚌案釋魚蚌廬郭注今江東呼蚌長而狹者爲廬說文虫部廬蜺

也修爲麤圓爲蟪从虫庫聲太平御覽九百四十一卷引杜子春注麤蚌也

腊人共豆脯薦脯臠胖注鄭大夫云胖讀爲判杜子春讀胖爲版又禮家以胖爲半體元謂胖之言片也析肉意也案說文半部胖半體肉也从肉半半亦聲片部版判也从片反聲片判木从半木媒氏注判半也胖判版半聲近義同

醫師凡邦之有疾病者有

有字依唐石經補

疖瘍者造焉注疖頭

瘍亦謂禿也案說文疖部疖頭瘍也从疖七聲瘍頭創也从疖易聲

疾醫春時有瘡首疾注瘡酸削也首疾頭痛也 案說文
尸部瘡酸瘡頭痛也从尸肖聲引周禮春時有瘡首疾釋
名云酸遜也遜遁在後也言腳疼力少行遁在後似遜遁
者也消弱也如見割削筋力弱也卽釋此酸削之義

酒正一曰泛齊注泛者成而滓浮泛泛然如今宜成醪矣
疏宜成說以爲地名故曹植酒賦曰宜成醴醪蒼梧縹清
若馬融所云今之宜成會稽稻米清似宜成以爲酒名故
劉杳要雅亦以宜成爲酒名二者未知孰是 案初學記
二十六卷酒類有劉孝儀謝晉安王賜宜城酒啟後漢杜
根傳爲宜城山中酒家保李賢注宜城縣故城在今襄州

率道縣南其地出美酒今湖廣襄陽府宜城縣

三曰盎齊注盎猶翁也成而翁翁然葱白色如今鄧白矣

疏漢時蕭何所封南陽地名鄧案釋文鄧白卽今之白

醴酒也宜作醴在何反作鄧假借字五經文字醴在何反

酒名周禮注作鄧玉篇酉部醴在何切白酒也集韻八戈

醴才何切白酒通作鄧釋元應大智度論音義引通俗文

白酒曰醴賈疏以鄧爲地名非也
釋文翁鳴動反釋名釋飲食盎齊盎翁翁然海

色也集韻一蓋翁鄧孔切翁翁葱白色

二曰昔酒注昔酒今之曾酒久白酒所謂舊醴者也
案

郊特牲舊澤之酒鄭注澤讀曰醴謂昔酒也說文曾釋酒

也从酉水半見於上釋名釋飲食酒酉也米釀麴酉澤久而味美也醪酒久釀曾澤也

三曰清酒注清酒今中山冬釀接夏而成疏中山郡名魏都賦曰醇酎中山沈湎千日 案文選魏都賦劉淵林注中山出好酎酒其俗傳云昔有人曰元石者從山中酒家酤酒酒家與之千日之酒語其節度比歸數百里可至于醉如其言飲之至家而醉其俗語曰元石飲酒一醉千日初學記酒類引西晉張載酺酒賦中山冬啟醇酎秋發卽鄭所云中山冬釀也

大祭三貳注三貳三益副之也 案易坎六四樽酒簋貳

鄭康成曰貳副也虞翻曰貳副也禮有副樽

漿人水漿醴涼醫醢注元謂涼今寒粥若糗飯雜水也

案釋名釋飲食寒粥末稻米投寒水中育育然也

凌人三其凌注凌冰室也 案毛詩豳風傳凌陰冰室也

韻五行志未央宮凌室災師古曰臧冰之室也

籩人朝事之籩其實糲黃白黑注鄭司農云朝事謂清朝

未食先進寒具口實之籩稻曰白黍曰黑 案寒具見儀

禮釋注有司徹婦贊者執白黑以授主婦注白熬稻黑熬

黍

乾蘘注乾蘘乾梅也 案說文草部蘘乾梅之屬从艸檫

聲引周禮曰饋食之籩其實乾蕡後漢長沙王始煮草爲蕡或作蕡齊民要術引廣志曰蜀名梅爲蕡大如雁子梅杏皆可以爲油脯黃梅以熟蕡作之

醯人茆菹注鄭大夫讀茆爲茅茅菹茅初生或曰茆水草杜子春讀茆爲卯 半農禮說云春秋茅戎公穀作貿戎是茆亦可讀爲茅也 案毛詩泮水傳茆鳧葵也漢書律志冒茆于卯故杜君又讀爲卯

脾析注脾析牛百葉也 案說文肱牛百葉也从肉莖省聲肱牛百葉也从肉毘聲一曰鳥肱脰或作肱廣雅百葉謂之肱脰胃謂之肱釋元應寶雲經音義百葉牛肱脰也

蓋胃薄如葉細切之故云百葉

豚拍注鄭大夫杜子春皆以拍爲膊謂脅也或曰豚拍肩也今河間名豚脅聲如鍛鑄案拍膊聲相近釋名釋飲食膊迫也薄脷肉迫著物使燥也士喪禮注今文肸爲迫說文肉部肩膊也骨部膊肩甲也膊膊皆从尊聲故或說爲肩

淡蒲注鄭司農云淡蒲蒲弱入水淡故曰淡蒲或曰淡蒲桑耳案說文艸部淡蒲弱之類也从艸淡聲周禮省作淡馬融廣成頌昌本深蒲李賢注深蒲謂蒲白生深水之中

鹽人共其苦鹽散鹽注杜子春讀苦爲鹽謂出鹽直用不
陳治 案典婦功辨其苦良鄭司農云苦讀爲鹽毛詩四
牡傳鹽不固也苦鹽聲相近史記五帝紀器皆不苦注苦
音鹽麤也讀如鹽荀子勸學篇問楮者勿告也楊注楮與
苦同惡也凡器物堅好者謂之功濫惡者謂之楮又疆國
篇忠信而不楮注楮音苦讀爲王事靡鹽之鹽鹽不堅固
也

宮人爲其井偃注元謂偃豬謂雷下之池受畜水而流之
者 案左傳襄二十五年規偃豬杜注偃豬下濕之地鄭
云偃豬義與偃豬同敝人注梁水偃也釋文徐本作偃古

偃偃通用稻人注偃豬者畜流水之陂也

掌舍設桎杙再重注故書杙爲杙杜子春讀爲桎杙謂行馬 案說文木部桎桎杙行馬也从木陞省聲周禮曰設桎杙再重桎桎杙也从互聲五經文字云杙行馬也音互杙一作杙古互巨形相近玉篇工部巨古文作互司會注故書互爲巨杜子春讀爲參互修閭氏掌比國中宿互橈者注故書互爲巨鄭司農云巨當爲互謂行馬所以互止禁人也

爲壇墠宮棘門注鄭司農云棘門以戟爲門疏左氏隱十二年子都拔棘以逐之故知棘卽戟也 案明堂位越棘

注棘戟也正義棘戟方言文說文戈部戟有枝兵也讀若棘憂戟也讀若棘

玉府共王之服玉佩玉珠玉注詩傳曰佩玉上有蔥衡下有雙璜衝牙蠙珠以納其間疏引詩傳者謂是韓詩

詳見毛鄭詩釋

凡褻器注褻器清器虎子之屬 案史記萬石君列傳石建取親中裙廁牕集解呂靜云械窬褻器也音威豆賈逵解周官械虎子窬行清孟康曰廁行清也窬行清空中受糞者也鄭云清器猶行清也義本賈君說文广部廁清也从广則聲徐鍇繫傳曰此溷廁也古多謂之清者以其不

潔常當清除之也清今俗字書或作圀測吏反廣雅圀廁也清圀古今字

外府其其財用之幣齋注鄭司農云齋或爲資今禮家定齋作資元謂齋資同耳其字以齊次爲聲从貝變易古字亦多或案掌皮先鄭注齋或爲資典婦功注故書齋爲資杜子春讀爲資典臬注故書齋作資攷工記注故書資作齊杜子春云齊當爲資古齋齊資並通用

司書受其幣注故書受爲授鄭司農云授當爲受謂受財幣之簿書也案典婦功注授當爲受聲之誤也掌葛注故書受或爲授杜子春云當爲受

職內受其貳令而書之注貳令者謂若今御史所寫下本
奏王所可者書之若言某月某日某甲詔書出某物若干
給某官某事 案蔡邕獨斷云詔書羣臣有所奏請尙書
令奏之下有制天子答之曰可若下某官云云亦曰詔書
又奏左方下附曰某官臣某甲上駁議曰某官某甲議其
合於上意者文報曰某官某甲議可

職幣皆辨其物而奠其錄注故書錄爲祿杜子春云祿當
爲錄 案祿錄竝从采得通用荀子性惡篇文王之錄楊
倞注錄與綠同劔以色爲名

司裘設其鵠注又方制之以爲章謂之鵠釋文章本亦作

準 案說文土部塤𡵓臬也从土臬聲讀若準木部臬準
塤的也臬卽塤之省文

廡裘飾皮車注故書廡爲淫鄭司農云淫裘陳裘也元謂
廡興也 案說文广部廡陳興服於庭也从广欽聲讀若
歆許君言陳與先鄭同巾車大喪飾遣車遂廡之行之注
廡興也車僕廡革車注言興革車爾雅云廡興也鄭君本
此司服廡衣服注故書廡爲淫先鄭云淫讀爲廡廡陳也
大師帥瞽而廡注廡興也故書廡爲淫先鄭云淫陳也司
弓矢廡五兵注故書廡爲淫先鄭云淫陳也淫讀爲廡後
鄭注廡興也匠人注鄭司農云淫讀爲廡淫廡聲相近

內宰以陰禮教六宮注若今稱皇后爲中宮矣疏漢舊儀
有此事也 漢制攷哀帝紀中宮注皇后之宮

而生種稑之種注先種後孰謂之種後種先孰謂之稑元
謂詩云黍稷種稑是也 案毛詩黍稷重稷傳後孰曰重
先孰曰稷釋文稷本又作稑說文禾部種先種後孰也从
禾重聲稑疾孰也从禾壺聲詩曰黍稷種稑或作稷呂氏
春秋任地篇高注晚種早熟爲稑早種晚熟爲重引詩黍
稷重稑

女祝掌以時招梗禴禳之事注鄭大夫讀梗爲亢謂招善
而亢惡去之杜子春讀梗爲更 案梗从更聲更亢聲相

近莊子庚桑楚史記莊周傳亢桑子列子作亢倉子後漢

樊宏傳封族兄忠更父侯卽亢父也

說文杭从禾亢聲或從更作梗

內司服禕衣揄狄注今世有圭衣者蓋三翟之遺俗案

漢書江充傳曲裾後垂交輸如淳曰交輸割正幅使一頭

狹若燕尾垂之兩旁見於後是禮深衣續衽鉤邊賈逵謂

之衣圭蘇林曰交輸如今新婦袍上挂全幅緝角割名曰

交輸裁也續漢書與服志諸古麗圭穆閨緣加上之服釋

名婦人上服曰袿其下垂者上廣下狹如刀圭也方言袿

謂之裾郭注衣後裾也或作祛文選思元賦揚離錯之袿

微注引方言釋名晉書音義列傳卷六十四引字林袿婦

上衣也

素沙注今世有沙縠者名出於此 案漢書江充傳紗縠
縠衣師古曰紗縠紡絲而織之也續漢書輿服志亦有紗
縠單衣釋名釋采帛縠粟也其形戚戚然視之如粟也又
謂之紗亦取戚戚如沙也文選七啟黼黻之服紗縠之裳
縫人衣嬰柳之材注柳之言聚諸飾之所聚書曰分命和
仲度西曰柳縠疏書曰者是濟南伏生書傳文柳者諸色
所聚日將沒其色赤兼有餘色故曰柳縠 案史記集解
夏本紀曰昧谷徐廣曰一作柳谷書正義引夏侯等書昧
谷爲柳谷書大傳虞傳秋祀柳縠注柳聚也齊人語說文

赤部穀日出之赤也从赤𡗗聲𡗗𡗗聲相近故賈以爲色赤

地官

載師注載之言事也事民而稅之禹貢曰冀州旣載案書禹貢冀州旣載鄭康成曰載之言事事謂作徒役也鄭讀以載字絕句與僞孔傳讀屬下壺口異

媒氏注今齊人名麴麴曰媒案漢書司馬遷傳隨而媒孽其短師古曰媒如媒娉之媒孽如鞠孽之孽一曰齊人謂麴餅爲媒也集韻十六屑麴孽也倪結切

泉府注故書泉或作錢案檀弓注古者謂錢曰泉史記

天官書下有積錢徐廣曰古作泉字

司門注司門若今城門校尉主王城十二門 案續漢書

百官志城門校尉一人本注曰掌雒陽城門十二所劉昭注引周禮司門干寶注如今校尉即用鄭說蔡質漢儀亦云雒陽十二城門鄭云十二門以漢制況之賈疏引匠人以釋十二門非注義也

卅人注卅之言礦也金石未成器曰礦 案說文石部礦銅鐵樸石也从石黃聲讀若礦卅古文礦周禮有礦人釋元應大般涅槃經音義礦古文研字書作礦同

掌染草注染草藍蒨象斗之屬疏藍以染青蒨以染赤象

斗染黑釋文象本或作椽音同 案說文艸部草草斗櫟
實也一曰象斗子从艸早聲廣韻三十六養椽櫟實徐兩
切

司稼注種穀曰稼如嫁女以有所生 案稻人注謂之稼
者有似嫁女所生司尊彝注鄭司農注甞讀爲稼畫禾稼
也量人注鄭司農云甞讀如嫁娶之嫁是先鄭亦與康成
同義

大司徒之職掌建邦之土地之圖注土地之圖若今司空
郡國輿地圖疏案漢蕭何收秦圖籍至後漢乃有司空郡
國地圖 漢制攷武帝元狩六年御史大夫奏輿地圖疏

謂後漢乃有蓋考之未詳耳光武披輿地圖指示鄧禹建
武十五年封皇子大司空上輿地圖馬援曰前披輿地圖
見天下郡國百有六所肅宗建初中案輿地圖令諸國戶
口皆等租入

周知九州之地域廣輪之數注輪從也 案從卽從橫之
從賈疏引馬融云東西爲廣南北爲輪一切經音義引韓
詩南北曰從東西曰橫故鄭以輪爲從釋元應妙法蓮華
經音義引鄭注輪縱也

辨五地之物生注杜子春讀生爲性 案性从心生聲貉
隸注又不生乳於圖檻也釋文生劉色敬反大戴禮禮三

本天地者性之本也史記禮書性作生

其植物宜阜物釋文阜物音阜本或作阜 案說文草草

斗櫟實也一曰象斗子从草阜聲大徐曰今俗以此爲艸
木之艸別作阜字爲黑色之阜案櫟實可以染帛爲黑色
故曰草通用爲草棧字今俗書阜或从白从十或从白从
七皆無意義無以下筆集韻二十二皓菐說文斗櫟實也
隸作草通作阜

其民黑而津注津潤也釋文津一本作濇音同潤也 案
廣韻十七眞濇氣之液也本一作盡

其植物宜叢物注核物李梅之屬 案經文作叢注作核

說文西部覈實也木部核蠻夷以木皮爲匡狀如箴尊之
形也是果實之字當用覈鄭君作核从今文假借字也曲
禮玉藻皆作核故鄭改从今字凡經從古文注从今文周
禮注中多此例毛詩肴核維旅班固典引肴覈仁誼之林
藪蔡邕注引詩肴覈維旅是毛詩古文亦作覈

其民專而長注專團也 案專卽團之省文說文口部團
團也从口專聲漢書五行志蜺再重赤而專孟康曰專員
也集韻二十六桓團專圓專徒官切說文團也周禮作專
莊子作團太元作搏字又作搏梓人搏身而鴻注搏團也
楚辭九辨乘精氣之搏搏兮王逸章句楚人名員曰搏也

則民不愉

毛本釋文作愉一本作愉非

注愉謂朝不謀夕

案說文心

部愉薄也从心俞聲公羊桓七年何注則民不愉釋文本又作愉詩他人是愉箋愉讀曰愉愉取也

則民不兢 案廣韻三十六嘯暴兢上同鐘鼎款識周寅簋銘勿事兢虐

五曰以儀辨等注故書儀或爲義杜子春讀爲儀謂九儀案小宗伯注故書儀爲義杜子春讀義爲儀肆師注故書儀爲義鄭司農云義讀爲儀古者書儀但爲義今時所謂義爲誼釋元應光讚般若經音義引字詁古文誼今作義同

辨十有二壤之物注壤亦土也土猶吐也以人所耕而樹
藝焉則言壤壤和緩之貌 案說文土地之吐生萬物者
也二象地之下地之中 物出形也白虎通土主吐含萬
物土之爲言吐也釋名釋地土吐也吐生萬物也太平御
覽地部引春秋元命包土爲言吐也言子成父道吐也說
文土部壤柔土也从土襄聲又釋名壤瀼也肥濡意也禹
貢厥土惟白壤釋文引馬融注壤天性和美也故鄭以爲
和緩之貌

以教稼穡樹藝注藝猶蒔也 案書播時百穀鄭康成曰
時讀曰蒔蒔五穀以救活之說文蒔更別種方言蒔植立

也蒔更也郭注爲更種一也音侍

謂之地中注今潁川陽城地爲然 漢制考王朴曰古者

植主於陽城以其近洛也蓋尙嫌其中乃在洛之東偏開
元十二年遣使天下候影南距林邑北距橫野得浚儀之
岳臺應南北弦居地之中司馬公曰日行黃道每歲有差
地中當隨而轉移故周在洛邑漢在潁川陽城唐在汴州
浚儀

案李治風周髀算經注
引馬融注地中洛陽

五曰寬疾注寬疾若今癰不可事不算卒可事者半之也
案漢書高帝紀注如淳曰律年二十三傳之疇官各從
其父疇學之高不滿六尺二寸以下爲罷癰後漢光武紀

高年鰥寡孤獨及篤癯無家屬貧不能自存者如律李賢注引蒼頡篇癯病也說文癯罷病也

使之相賙注賙當爲糾謂糾其惡 案賙糾聲相近說文木部柶讀若斗是其例也

孝友睦婣任卹注婣親於外親 案說文女部婣壻家也女之因故曰婣从女因聲孺文作婣五經文字婣音因孺文婣見周禮

小司徒以比追胥注伺捕盜賊也 案士師以比追胥之事注胥讀如宿偁之偁謂司搏盜賊也修閭氏而比其追胥者注胥讀爲偁集韻八語以胥偁爲一字重文

四邱爲甸注甸之言乘也讀如衷甸之甸 案稍人注邱
乘四邱爲甸甸讀與維禹隲之之隲同其訓曰乘由是改
云甸祝注甸之言田也小宗伯注甸讀爲田說文田陳也
象形官部陳从官从木申聲支部隲列也从支陳聲玉篇
官部陳列也或作敕廣韻十七真陳隲古文爾雅郊外謂
之田釋文引李巡注田敕也謂敕列種穀之處急就篇田
細兒顏注陳完奔齊亦爲田氏蓋以陳田聲相近云

施其職而平其政注政當作征 案小宰注政謂賦也凡
其字或作政或作正或作征以多言之宜從征均人掌均
地政土均掌平土地之政注並云政讀爲征都司馬以國

法掌其政學釋文政音征凌人注故正爲政先鄭云政當
正大戴禮主言篇然後誅其君致其政家語作改其政史
記范睢傳政適伐國徐廣曰政適音征敵月令班馬政呂
覽作正釋名政正也下所取正也春秋公羊釋文正音征
又音政荀子王制篇相地而衰政注政或讀爲征

與其輦輦注云輦駕馬司馬法曰夏后氏謂輦曰余車殷
曰胡奴車周曰輶輦輦一斧一斤一鑿一攄一鋤故書輦
作連鄭司農云連讀爲輦 惠半農禮說曰地名蓮勺蓮
讀爲輦易蹇六四往蹇來連虞翻曰連輦也管子立政篇
畜連乘車海王篇服連輶輦則古輦皆作連可知也 案

說文輦大車駕馬者从車共聲木部栢𣎵也或作輦方言
東齊謂之輦孟子趙岐注輦輦籠𣎵之屬釋名釋車胡奴
車東胡以罪沒入官爲奴者引之殷所制也輦車人所輦
也漢韓勅碑胡輦器用隸釋云卽瑚璉也明堂位四連釋
文連本又作璉巾車輦車組輓釋文輦本作連

執斧以涖匠師注故書涖作立鄭司農云立讀爲涖 案
司市先鄭注立當爲涖大宗伯注故書涖作立先鄭讀爲
涖肆師注故書位爲涖杜子春云涖爲位書亦或爲位小
宗伯注故書位作立先鄭云古者立位同字詳見後

巡其前後之屯注故書巡作述 案毛詩日月傳述循也

古循巡亦通用

和

鄉大夫四曰容注杜子春讀和容爲和頌謂能爲樂案

說文頌兒也徐曰此儀容字歌頌者美盛德之形容通作

頌後人因以爲歌頌字又兒頌儀也徐曰頌古容字管子

有國頌篇注頌容也漢書儒林傳魯徐生善爲頌師古曰

頌讀與容同馬融論語注四曰和頌合雅頌亦同杜說

封人設其楅衡注元謂楅設于角衡設于鼻如楳狀也疏

漢時有置於犬之上謂之楳故舉之以爲况衡者也案

說文木部楳木可作牀几从木段聲讀若賈集韻四十禱

楳椽架博雅杖也所以舉物或作椽架亦書作柳牛人注

檟謂之杙可以繫牛是杙亦繫牛之物賈氏謂置於犬上
未聞方言檟燕之東北朝鮮洌水之間謂之杙郭注楬杙
也江東呼都音段

鼓人以雷鼓鼓神祀以靈鼓鼓社祭以路鼓鼓鬼享以鼗
鼓鼓軍事以鼙鼓鼓役事以晉鼓鼓金奏注雷鼓八面鼓
也靈鼓六面鼓也路鼓四面鼓也鼗鼓長八尺鼙鼓長丈
二尺晉鼓長六尺六寸 案大司樂注先鄭云雷鼓雷鼗
皆謂六面有革可擊者也靈鼓靈鼗四面路鼓路鼗兩面
後鄭謂雷鼓雷鼗八面靈鼓靈鼗六面路鼓路鼗四面是
先後鄭說不同說文鼓郭也周禮六鼓雷鼓八面靈鼓六

面路鼓四面鼓鼓皋鼓晉鼓皆兩面許君在康成之先與
鄭合應劭風俗通音聲云周禮六鼓雷鼓八面路鼓四面
皐鼓晉鼓皆二面應仲遠見鄭君曾欲北面稱弟子故與
後鄭合文選東京賦雷鼓鼉鼉六變既畢薛綜注雷鼓八
面鼓也又伐靈鼓薛注靈鼓六面鼓也子虛賦擊靈鼓文
穎曰靈鼓六面鼓並與後鄭同又說文作皋風俗通作皐
卽磬鼓之異文荀子王霸篇皐牢天下而制之後漢馬融
傳注引作皋牢古皐皋通用

以金鑊止鼓注鑊如鈴無舌有秉執而鳴之以止擊鼓釋
文秉本又作柄下同 案說文木部柄或作秉左氏傳國

子實執齊秉漢書五行志殺生之秉矣皆以秉爲柄
凡軍旅夜鼓鑿注蠶夜戒守鼓也司馬灋曰昏鼓四通爲
大鑿夜半三通爲晨戒旦明五通爲發昀 案說文壹部
蠶夜戒守鼓也从壹蚤聲禮昏鼓四通爲大鼓夜半三通
爲戒晨旦五通爲發明讀若戚漢書藝文志禮家軍禮司
馬法百五十五篇故許君稱之曰禮眡瞭注杜子春讀鑿
爲憂戚之戚亦與許音合日部昀日出溫也卽發明之時
牧人陰祀用黝牲毛之注黝讀爲幽幽黑也 案黝幽古
通詳見毛鄭詩釋

用龙可也注故書龙作龍

此據岳本嘉靖本作龍毛本作鹿非杜子春云龍

當爲龍 案玉人上公用龍鄭司農云龍當爲虬虬謂雜色巾車駢車注故書駢作龍杜子春云讀爲駢易說卦傳震爲龍釋文引虞干作駢干寶云駢雜色也漢上易引鄭康成曰龍讀爲虬取日出時色雜也

牛人以授職人而芻之注職讀爲機機謂之杙可以繫牛機人者謂牧人充人與 案肆師注職讀爲機機可以繫牲者職機聲相近

與其牽傍注牽傍在轅外輓牛也人御之居其前曰牽居其旁曰傍 案說文彳部傍附行也从彳旁聲

其其牛牲之互注鄭司農云互謂樞衡之屬元謂互若今

屠家縣肉格 半農曰詩或肆或將毛傳肆者陳於互西
京賦所謂置互擺牲此懸肉格也 案易豮豕之牙釋文
引鄭注牙讀爲互上爻童牛之牯虞翻謂牯以木楅其角
則此爻鄭改爲互義當如牛牲之互

充人展牲則告牷注元謂展牲若今夕牲也 漢制考丙
吉子顯從祠高廟至夕牲日乃使出取齋衣師古曰未具
一日其夕展視牲具謂之夕牲 案續漢書禮儀志正月
天郊夕牲注引周禮展牲干寶曰若今夕牲劉昭又稱郊
儀日未哺五刻夕牲

載師以宅田士田賈田任近郊之地注故書郊或爲蒿鄭

司農言王國百里爲郊杜子春云蒿讀爲郊五十里爲近郊百里爲遠郊 案聘禮注周制天子畿內千里遠郊百里釋元應俱舍論音義引司馬法王國百里爲郊五十里爲近郊百里爲遠郊

士田注士讀爲仕仕者亦受田所謂圭田也 案隸釋馬江碑仕喪儀宗洪景伯云仕讀爲士

遺人以恤民之難阨注故書難阨作擢阨當爲難阨 案集韻二十八山艱難難說文土難治也或作難擢古作難以待羈旅注故書羈作寄杜子春云寄當爲羈 案羈寄聲相近玉篇羈寄也委人注故書羈作奇杜子春云當爲

奇

均人豐年則公旬用三日爲注旬均也讀如營營原隰之
營易坤爲均今書亦有作旬者 案詩作昀昀毛傳墾辟
貌爾雅釋訓昀昀田也郭注言墾辟也釋文本或作昀字
林云均均田也廣韻十八諄營均也詳遵切集韻十八諄
昀或作昀營古旬均通用詳見禮記釋注

師氏掌以媯詔王注告王以善道也文王世子曰師也者
教之以事而諭諸德者也疏媯美也 案廣韻五旨美媯

上同通典禮引馬融曰媯媯道也告王以善道師者教人
以事而諭德者也與鄭注同鄭君從馬季長受學從師說

也

一曰至德以爲道本注德行內外之稱在心爲德施之爲行至德中和之德覆燾持載含容者也孔子曰中庸之爲德其至矣乎 案通典禮引馬融注德行內外之稱在心爲德施之爲行至德者中德也亦與鄭同鄭君並依師說凡國之貴遊子弟學焉注杜子春云遊當爲猶言雖貴猶學 案游猶聲相近焦氏易林下有由子通雅云卽游子楚辭九歌君不行兮夷猶後漢馬融傳注引作夷由以偏旁字攷之漢書王褒傳蜉蝣出以陰字亦作蜉集韻十八尤汙或作游酒是其例也

司救三罰而歸於國土注國土獄城也 案釋名釋宮室
獄又謂之國土言築土表牆其形圓也

謂人掌司萬民之難注難相與爲仇讎 案太平御覽四
百八十一卷引馬融注難謂相與爲仇也鄭君亦依師說
媒氏聽之于勝國之社注勝國亡國也亡國之社掩其上
而棧其下使無所通 案蔡邕獨斷云亡國之社掩其上
使不通天柴其下使不通地自與天地絕也 又公羊哀
六年傳

司市以次敘分地而經市注次謂吏所治舍思次介次也
若今市亭然 案史記三代世表臣爲郎時與方士攷功
會旗亭下注旗亭市樓也立旗於上故取名也文選西京

賦廊開九市通闕帶闕旗亭五重俯察百隧薛綜注旗亭市樓也後文思次注若今市亭也介次注市亭之屬別小者也先鄭注次市中候樓也

以量度成買而徵債注債買也物有定賈則買者來也釋文債劉音育案賈師凡國之賣債注債買也故書債爲賈胥師先鄭注債賣也說文人部債賣也从人賣聲玉篇人部債買也釋元應大悲分陀利經音義賣又作債同餘六反債兼買賣二義債从賣聲賣从貝齧聲齧古文睦讀若育故劉昌宗亦讀債爲育

市之羣吏平肆展成奠賈注奠讀爲定杜子春云奠當爲

定 案弓人寒奠體注奠讀爲定大司徒奠地守釋文奠
劉音定司士以久奠食釋文奠音定瞽矇世奠繫杜子春
云帝讀爲定其字爲奠書亦或爲奠小史奠繫世注故書
奠爲帝杜子春云帝當爲奠奠讀爲定書帝或爲奠匠人
凡行奠水先鄭云奠讀爲停職幣皆辨其物而奠其錄注
奠定也禹貢奠高山大川史記夏本紀奠作定內則皆坐
奠之而后取之注奠停地也釋名停定也定於所在也奠
停也言停久也集韻四十六徑奠徒徑切又碇礪爲一字
重文古奠定帝停並聲近通用

上旌于思次注元謂思當爲司字聲之誤也 案思司聲

相近釋名釋言語思司也凡有所司捕必靜司忖亦然也
以璽節出入之注璽節印章如今斗檢封矣疏案漢法斗
檢封其形方上有封檢其內有書則周時印章上書其物
識事而已 案說文木部檢書署也釋名釋書契檢禁也
禁閉諸物使不得開露也璽徙也封物使可轉徙而不可
發也後漢書公孫瓚傳袁紹矯刻金玉以爲印璽每有所
下輒阜囊施檢章懷注檢今俗謂之排排如今言幪簽耳
續漢書祭祀志尙書令奉玉牒檢皇帝以二分璽親封之
唐人紬布注鄭司農云紬布列肆之稅布釋文紬本又作
次 案紬假借字說文紬續所緝也从糸次聲非此注之

義依字當爲次卽思次介次之稅故先鄭以爲列肆之稅
布漢書食貨志有次布謂次於大布與此次布不同

凡珍異之有滯者注故書滯或作廔 案臬府故書滯爲

痺杜子春痺當爲滯序官廔人注故書廔爲壇杜子春讀

壇爲廔載師注故書廔或作壇古壇痺廔並聲相近

說文鳥部

鷗从鳥直聲籀文从廔作鷗

斂而入于膳府注謂貨物嗜藏於市中釋本或作貯嗜又

作褚皆同 案集語八語貯嗜著積也或作嗜著通作褚

後賈師注亦有嗜字釋元應毗尼母律音義衽又作褚同

通俗文裝衣曰衽

有襲其不正者注故書襲爲習杜子春云當爲襲 案襲
習古通詳見儀禮釋注

泉府物褐而書之注鄭司農云物爲櫛 案毛本作櫛集
韻二仙稟摘箋識也或从手亦書作櫛子仙切

司門掌授管鍵注鄭司農云鍵讀爲蹇鍵謂牡 案鍵蹇
聲相近駟人左不鍵杜子春云鍵讀爲蹇集韻二十八櫛
鍵籥牡也或作鑊

司關則以節傳出之注傳如今移過所文書 漢制攷文
帝十二年除關無用傳張晏注傳信也若今過所也釋名
過所至關津以示之或曰傳通雅云過所猶今之遞鋪也

山國用虎節土國用人節澤國用龍節皆金也以英蕩輔
之門開用符節貨賄用璽節道路用旌節注今漢有銅虎
符杜子春云蕩當爲帑謂以函器盛此飾或曰英蕩畫函
案說文曰瑞信也守邦國者用玉曰守都鄙者用角曰
使山邦者用虎曰土邦者用人曰澤邦者用龍曰門關者
用符曰貨賄用璽曰道路用旌曰象相合之形玉篇曰部
曰瑞信也今作節說文以節爲竹約當依古文作曰續漢
書百官志主璽及虎符竹符之半劉昭注引周禮干寶注
漢之銅虎符卽其制也卽用鄭注又引干注英刻書也蕩
竹萌也刻而書其所使之事以助三節之信則漢之竹使

符者亦取則於故事也與漢注不同杜君讀爲幣者賈疏
謂幣音以湯蕩反之今人猶言幣也說文巾部幣金幣所
藏也凡物有器藏之曰函伊耆氏注云有司以此函藏之
故杜以幣爲函詩二矛重英毛傳謂有英飾鄭箋謂畫飾
故又以英蕩爲畫函

遂人以興勑利毗注鄭大夫讀勑爲藉杜子春讀勑爲助
謂起民人令相佐助 案說文耒部勑商人七十而勑勑
藉稅也从来助聲引周禮以興勑利萌民部民眾萌也古
字與民通管子揆度篇其人同力而宮室美者良萌也後
漢書宦者傳剝割萌黎說文田部毗田民也从田亡聲廣

雅云毗癡也詩氓之蚩蚩唐石經亦作毗古氓毗萌民聲
近通用段氏漢讀攷據衛風正義白帖引周禮作氓謂唐
石經始改作毗攷五經文字田部毗莫鄧反又音盲張參
此書作於大歷十一年在開成石經之先已有毗字段氏
之說謬矣

以彊予任毗注彊予謂民有餘力復予之田若餘夫然

案唐石經作彊葛本毛本俱誤作疆周頌侯疆侯以傳疆
力也箋云彊有餘力者引周禮以彊予任民民與毗古通
用

遂師庀其委積注故書庀爲比鄭司農云比讀爲庀庀具

也 案下注先鄭云讀爲庀世婦比其具先鄭注同大胥
比樂官鄭大夫讀比爲庀庀具也大司馬比軍賦注比或
作庀先鄭云庀具也

里宰以歲時合耦於勸注元謂勸者里宰治處也若今街
彈之室 漢制攷金石錄漢都鄉正街彈碑在汝州界故
昆陽城中其歲月略可觀蓋中平二年正月而其額題都
鄉正街彈碑莫知其爲何碑也水經注魯陽縣有南陽都
鄉正衛彈碑平氏縣有南陽都鄉正衛彈碑隸釋亦以爲
衛彈碑蓋未攷此注也酸棗令劉熊碑云愍今烝民勞苦
不均爲作正彈造設門更

族師而用之注而讀爲若聲之誤也 案而如若古通用梓人注若如也易明夷象曰君子以莅眾用晦而明虞翻曰而如也左傳隱七年畎如忘服虔曰如而也說文作而莊七年星隕如雨劉歆曰如而也漢書五行志作而詩垂帶而厲箋云如聲厲也內則注引詩而作如淮南汜論訓引詩而作若儀禮有司徹注今文若爲如廣雅云如若也康誥若有疾荀子富國篇若作而左傳襄三十年子產而死呂氏春樂成篇而作若顧樞注老子云若而也 委人凡其余聚注余當爲餘聲之誤也 案漢吳仲山碑父有余財亦以余爲餘

草人駢剛用牛注故書駢爲挈杜子春挈讀爲駢謂地色赤而土剛也 案說文土部埤赤剛土也从土解省聲角

部解用角低仰傾也易睽六三見輿曳其牛掣釋文鄭作

挈說文作掣角一俯一仰

與今說文異

子夏作挈集韻十三祭

掣或从手作挈毛詩爰契我龜釋文契本作挈以聲類求之埤从解省聲古解挈聲相近故古文作挈後人讀埤爲息營反非也說文無駢字馬部新附有之云从馬解省聲埤壤用麋注故書埤作盆鄭司農云埤壤多盆鼠也元謂埤壤潤解 案爾雅釋獸鼯鼠郭注地中行者釋文字亦作蚡字或作鼯同說文鼠部鼯地行鼠伯勞所化也一日

偃鼠从鼠分聲或作蚡與盆同盆墳聲相近以偏旁字攷之若𤇓一作墳𤇓一作墳可證也

埴埴用豕注埴埴黏疏者疏以埴爲黏以埴爲疏 案禹貢厥土赤埴埴釋文鄭作𤇓徐鄭王皆讀曰熾釋名土黃而細密曰埴埴膩也黏膩如脂之埴也弓人注機讀如脂膏敗埴之埴埴亦黏也史記夏本紀徐廣注埴黏土也又下土埴埴禮書三十四卷引鄭注埴疏也釋名土黑曰埴埴然解散也

疆渠用賁注疆渠疆堅者釋文渠又作壘 案唐石經作疆是今本誤作疆月令可以美土疆注疆渠之地釋文疆

其文反今月令作疆亦誤字也集韻五十四檻塏稟堅土也或作稟

輕要用犬注輕與輕脆者 案說文火部𤇀火飛也从火由與與𤇀同意廣韻四宵與今作票同引申之爲輕票之意釋名釋地土白曰漂漂輕飛散也漂票聲相近

稻人以列舍水釋文列祿計反 案依釋文讀如例禮記服問上附下附列也釋文引徐邈音例本亦作例司隸注屬遮例也釋文云又作列

夏以水殄草而芟夷之注鄭司農說芟夷以春秋傳芟夷蕞崇之今時謂禾下麥爲莠下麥言芟刈其禾於下種麥

也 案秋官薙氏注書薙或作夷鄭司農引春秋傳芟夷
蕞崇之今俗間謂麥下爲夷下言芟夷其麥以下種禾豆
也

山虞物爲之厲而爲之禁鄭司農云厲遮列守之 案厲
列古同音通用說文辵部遮也从辵列聲續漢書輿服
志遮遮出入

林衡掌巡林麓之禁令釋文麓一作禁 案序官釋文麓
本亦作禁說文林部麓古文作禁

外人掌金玉錫石之地注錫釧也 案雅釋器錫謂之釧
郭注白鐵職方氏注錫鐵也說文金部錫銀鉛之間也釧

錫也。《禮記》注錫在銀鉛之間，卽今白鐵也。

蜃蜃祭祀，其蜃器之蜃。注：春秋定十四年秋，天王使石尚來歸蜃。蜃之器以蜃飾，因名焉。案：《說文》示部，蜃社肉盛之以蜃，故謂之蜃。天子所以親遺同姓，从示辰聲。春秋傳曰：石尚來歸蜃。今春秋作蜃。廣韻：十六軫，蜃祭餘肉，蜃上同。許慎《五經異義》云：古左氏說蜃祭社之內盛之以蜃毛。詩《緇箋》引春秋傳曰：蜃宜社之內。

廩人以待國之匪頒。注：匪謂爲分，分頒謂委人之職，諸委積也。案：《大宰》：匪頒之式，鄭司農云：匪分也。《集韻》：二十文分，匪方文切。引《說文》別也。从八刀，刀以分別物也。一曰與。

也周禮作匪說文美部美賦事也从美八八分之也八亦聲讀若頒一曰讀若非

稟人掌其外內朝亢食者之食注今司徒府中有百官朝會之殿云天子與丞相舊決大事焉是外朝之存者歟

案朝士注今司徒府有天子以下大會殿亦古之外朝續漢書歷志熹平四年詔羣臣會司徒府議百官志注引周禮外朝千寶注禮司徒府中有百官朝會殿亦用鄭說說文二部亢敝也从儿儿人在屋下無田食也引周書宮中之亢食當是周禮之訛

春官

乃立春官宗伯注鄭司農云宗伯主禮之官故書堯典曰
帝曰咨四岳有能典朕三禮僉曰伯夷帝曰俞咨伯汝作
秩宗 案今舜典一篇乃梅氏書妄爲分析古文合堯典
爲一篇別有舜典逸篇故先鄭引咨四岳以下稱書堯典
賈疏亦不言出於舜典蓋唐時僞孔書雖盛行而馬鄭眞
古文尙書尙存於世賈氏親見此文出於堯典故不更贅
言也賈疏序言堯典伯禹作司空又堯典有典樂納言之
職大宗伯疏引堯典禋于六宗皆不从梅氏書其識卓矣
鬱人注鬱鬱金香草宜以和鬯 案郊特性疏引馬融注
鬱草名如鬱金香草合爲鬯也鄭同師說

司尊彝注彝亦尊也鬱鬯曰彝彝漚也言爲尊之漚也

案說文系部彝宗廟常器也从糸系綦也升持之米器中實也从亼象形此與廡相侶周禮六彝鷄彝黃彝虎彝雝彝虎彝以待裸將之禮明堂位夏后氏以鷄夷注夷讀爲彝正義曰彝法也與餘尊爲法故稱彝亦本鄭說廣韻六脂彝常也法也

典瑞注若今符璽郎 案續漢書百官志有符璽郎中四人

世婦每宮卿二人注王后六宮漢始大長秋詹事中少府大僕亦用士人 案漢書百官公卿表將秦官景帝中六

年更名大長秋或用中人或用士人師古曰秋者收成之時長者恆久之義故以爲皇后官名詹事秦官掌皇后大子家有丞又中長秋私府永巷倉廩祠祀食官令長丞諸宦官皆屬焉長信詹事掌皇太后宮景帝中六年更名長信少府大僕秦官中太僕掌皇太后輿馬不常置也

墓大夫注墓冢塋之地孝子所思慕之處 案劉熙釋名曰墓慕也孝子思慕之處也

鑄師注鑄如鐘而大 案禮書第一百二十卷引孫炎注鑄大鐘義與鄭合

鞮鞻氏注鞮讀如屨也鞮屨四夷舞者所屣也今時倡蹋

鼓沓行者自有屏釋文鞮許慎云屨也呂忱云鞮革履也
案說文革部鞮革履也與陸所引不同走部趨婁四夷
之舞各自有曲从走是聲

華氏注焦煖用荆華之類 案後釋文作塋氏云本又作
華集韻四紙華塋是槌切木名周禮有華氏共荆華有灼
塋或作塋

大宗伯之職掌建邦之天神人鬼地示之禮釋文示音祇
本或作祇下神示地示皆放此 案說文示部祇地祇提
出萬物者也从示氏聲廣韻五支祇地祇神也示上同見
周禮祇有提義左傳提彌明史記晉世家作示昧明古示

祇提聲近通用

以禋祀祀昊天上帝注禋之言煙周人尙臭煙氣之臭聞者案尙書禋於六宗鄭注禋煙也取其氣達升報於陽也伏生書大傳作煙鄭注煙祭也字當爲禋魏公卿上尊號奏作煙於六宗

以實柴祀日月星辰以槩燎祀司中司命靚師雨師注鄭司農云司中三能三階也司命文昌宮星風師箕也雨師畢也元謂星謂五緯辰謂日月所會十二次司中司命文昌第五第四星或曰中能上能也案續漢書祭祀志引鄭書注曰六宗星辰司中司命風師雨師也星五緯也辰

日月所會十二次也司中文昌第五第四星也風師箕也
雨師畢也與此注同應劭風俗通祀典云周禮風師者箕
星也雨師者畢星也周禮槀燎司中司命文昌司中文星
上六星也應氏說司中司命與後鄭小異先鄭以司中爲
三台者賈疏引武陵太守星傳云三台一名天柱上台司
命爲太尉中台司中爲司徒下台司祿爲司空開元占經
中官占引春秋元命苞西近文昌二星曰上台爲司命主
壽次二星中台爲司中主宗室東二星曰下台爲司祿主
兵先鄭之說本於緯文也後鄭以司中司命爲第五第四
星者史記天官書斗魁戴匡六星曰文昌宮四曰司命五

日司中賈疏亦引星傳云文昌宮第四曰司命第五曰司中後鄭之說本於太史公也漢書天文志文昌宮第四曰司命五曰司祿與史記不同然太史公世掌天文其言必有所據康成本之作注其識至精後人所當遵守也又案玉篇風部風風飄風並古文九經字樣觀古文風字見周禮

以鬲辜祭四方百物注故書鬲爲罷鄭司農云罷辜披磔牲以祭若今時磔狗祭以止風元謂鬲鬲牲胷也鬲而磔之謂磔攘及蜡祭釋文罷一音芳皮反 案鬲辜罷辜磔辜文異義同說文刀部副判也从刀畱聲引周禮副辜祭

籀文从𠬞大戴禮曾子天圓篇割列襱瘞盧注列𠬞辜先
鄭以披釋罷爾雅釋天祭風曰磔郭注今俗當大道中磔
狗云以止風公羊僖三十一年疏引孫氏云旣祭披磔其
牲以風散之釋元應四分律音義引通俗文張申曰磔亦
披磔之也文選西京賦置互擺牲薛綜注擺謂破磔懸之
古罷披聲相近釋名披擺也鄉飲酒禮釋文罷劉音皮又
掌戮殺王之親者辜之注辜之言枯也謂磔之荀子正論
篇斬斷枯磔注周禮曰以𠬞辜祭四方或者枯與𠬞辜義
同歟韓子曰宋金之禁得而輒辜磔所辜磔甚眾疑辜卽
枯也說文桀部磔辜也从桀石聲又史記封禪書秦德公

作伏祠磔狗邑四門以禦蠱舊賈疏謂先鄭以漢法况之然磔狗始於秦代漢沿舊俗也

以血祭祭社稷五祀五嶽注不見四寶者四寶五嶽之匹或省文釋文寶音獨本亦作瀆案小宗伯注四望五嶽四鎮四寶大司樂注同左傳襄公十九年執公子牙於句瀆之邱史記齊世家作句寶莊九年傳遂殺子糾於生寶齊世家作笙瀆

以荒禮哀凶札注札讀爲截謂疫厲案札截聲相近釋名釋天札截也氣傷如人有斷截也膳夫大札釋文徐音截

侯執信圭伯執躬圭注信當爲身聲之誤也身圭躬圭蓋皆象以人形爲瑑飾文有麤縟耳欲其慎行以保身圭皆長七寸 案士相見禮注古文伸作信穀梁范甯解云信申字古今所共用白虎通云申者身也釋名申身也物皆成其身體各申束之使備成也釋名釋言語信申也言以相申束使不相違也荀子儒效篇是猶偃伸而好升高也注伸讀爲身字之誤也太平御覽引禮圖信圭七寸謂圭上琢人頭身之形侯所執也躬圭七寸謂圭上琢爲四體之形伯所執也

以蒼璧禮天注璧圓象天

案聶崇義引阮謏鄭元圖蒼

璧九寸厚寸

以白琥禮西方注琥猛象秋嚴

案說文王部琥發兵瑞

玉爲虎文从王虎聲春秋傳曰賜子家子雙琥是聶氏圖
引鄭元圖云白琥以玉長九寸廣五寸刻伏虎形高三寸
鐘鼎款識有周琥銘云午十三薛尙功曰漢用虎符發兵
其原疑出於此

大賓客則攝而載果注果讀爲裸代王裸賓客以鬯 案

上注云裸之言灌灌以鬱鬯小宗伯以時將瓚裸唐石經
作果又以待果將注果讀爲裸玉人裸圭注裸之言灌也
或作裸或作果說文示部裸灌祭也从示果聲水部裸裸

水也从水果聲毛詩傳裸濯鬯也集韻二十九換裸果裸
裸同通作盥灌

小宗伯之職掌建國之神位注故書作立鄭司農云讀爲
位古者立位同字古文春秋經公卽位爲公卽立疏執文
志云春秋古經十二卷 案毛伯敦銘立中庭楊南仲讀
爲位引古文春秋爲證鐘鼎款識有窖磬夙夜在位亦書
作大

兆五帝於四郊注五帝蒼曰靈威仰大昊食焉赤曰赤熛
怒炎帝食焉黃曰含樞紐黃帝食焉白曰白招拒少昊食
焉黑曰汁光紀顓頊食焉黃帝亦於南郊 案大宗伯注

禮東方以立春蒼精之帝而大昊句芒食焉禮南方以立夏
謂赤精之帝而炎帝祝融食焉禮西方以立秋謂白精
之帝而少昊蓐收食焉禮北方以立冬謂黑精之帝而顓
頊元冥食焉賈疏謂文耀鉤文禮記月令注迎春祭蒼帝
靈威仰於東郊之兆也迎夏祭赤帝赤熒怒於南郊之兆
也迎秋祭白帝白招拒於西郊之兆也迎冬者祭黑帝汁
光紀於北郊之兆也孔疏亦謂文耀鉤文又天子乃以元
日祈穀於上帝注上帝太微之帝也正義春秋緯文卽靈
威仰之五帝總云太微之帝又大雩帝注雩帝謂爲壇南
郊之旁雩五精之帝配以先帝也又以共皇天上帝注皇

天北辰耀魄寶冬至所祭於圜邱也上帝太微五帝明堂
位祀帝於郊注謂蒼帝靈威仰也禮器魯人將有事於上
帝注帝謂蒼帝靈威仰也郊特性孔疏云鄭氏謂大有六
天春秋緯紫薇宮爲大帝又云北極耀魄寶此皆鄭注據
緯候說也說文土部兆畔也爲四時界祭其中引周禮兆
五帝於四郊魏書五十五劉芳疏引周禮賈逵說東郊木
帝太皞八里南郊火帝炎帝七里西郊金帝少皞九里北
郊水帝顓頊六里中兆黃帝之位并南郊之季故云兆五
帝於四郊也馬融蔡邕注月令並與賈侍中合與鄭義異
其正室皆謂之門子注正室適子也將代父當門者也

案風俗通兩師下云周禮卿大夫之子皆曰門子

辨六齋之名物注齋讀爲案六案謂六穀黍稷稻粱麥苽
案豐人注杜子春讀齋爲案後鄭謂讀爲齊司尊彝注
故書齊爲齋鄭司農云齋讀皆爲齊和之齊杜子春云齋
當爲案古齋資亦通用漢禹廟殘碑資盛三牲又以資爲
案

及執事禱祠於上下神示注譌曰禱爾於上下神祇 案
詳見論語孔注證僞

以𣎵𣎵注杜子春讀𣎵爲泯以𣎵𣎵浴尸 案集韻十
七準泯𣎵盡切泯與𣎵同母之字故杜以雙聲讀爲泯也

說文水部湏飲飲也从水弭聲

肆師及其祈珥注故書祈爲幾杜子春讀幾當爲祈珥當爲餌元謂祈當爲進禋之禋珥當爲餌禋餌者饋禮之事案小子而掌珥于社稷祈于五祀後鄭注珥讀爲餌祈或爲刳刳餌者饋禮之事也用毛牲曰刳羽牲曰餌春秋肆師職祈或作畿秋官士師職凡刳餌此刳餌正字與士師注珥讀爲餌用牲毛者曰刳羽者曰餌古幾畿祈刳聲相近說文刀部刳劃傷也从刀气聲血部盞以血有所刳涂祭也从血幾聲集韻八微刳斷也刳也或作盞氛亦書作氛畿圻壤三字同皆音祈幾與刳同音通用以聲類求

之說文譌斲也并汔至亦未繙并虔翻曰汔幾也是其例也珥餌𧈧皆从耳聲古字段借

表齎盛注故書表爲剝剝表皆謂徽識也 案識釋文音式志反卽幟字也說文巾部幟幟幟也从巾與聲一切經音義引通俗文曰徽號曰幟私記曰幟集韻四宵表剝剝識也漢書王莽傳旌旗表識師古曰識讀與幟同

凡師不功注故書功爲工先鄭工讀爲工工與功同字

案易繫辭傳六爻之義易以貢釋文京陸虞作工荀作功漢樊安碑以公德位加特進隸釋云功德陳球碑生公子完適齊爲桓公公正隸釋云工正古公工功並通用書天

工人其代之漢書律志作天功魏志管輅傳拙而不功亦以功爲工

鬱人注鄭司農云鬱草名十葉爲貫百二十葉爲築以煮之鑊中停於祭前鬱爲草若蘭 案說文鬱部鬱芳草十

葉爲貫百二十貫築以煮之爲鬱凡許君說多與先鄭同 鬱人廟用脩注脩讀曰卣卣中尊謂獻象之屬 案脩卣

聲相近說文作卣草木實墜卣卣然象形讀若調

後人讀西非古

音集韻十八尤卣中尊也或作脩古條脩皆从攸聲故許

君讀若調又从卣之字與攸多通用說文乃部卣从卣卣聲讀若攸禹貢陽鳥攸居九州攸同漢書地理志攸作迺

韋賢傳萬國鹵平師古曰鹵古攸字司尊彝釋文鹵本亦作攸脩从攸聲故鄭讀爲白

鷄人夜啼旦以開百官 案說文品部喟高聲也一曰大呼也从品口聲

豐其其雞牲注鄭司農云豐讀爲微 案豳人先鄭注亦云豐讀爲微天府注同毛詩維廉維芑孔疏廉作藿音同廉微亦聲相近釋元應大智度論音義引周易成天下之亶亶者劉瓛曰亶亶猶微微也莊斨曰說文無亶字卽豐字也豐字讀微與微音近又周公鸞鐘銘公豐壽周邦是保周頌敦銘頌其萬年豐壽無疆周晉姜鼎銘晉姜用其

綽綽聲萬壽卽眉壽也聲眉亦以聲近假借

司尊彝皆有舟注鄭司農云舟尊下臺若今時承槃 案

說文木部槃承槃也从木般聲古文作盤籀文作盤鐘鼎
款識有漢車宮丞燭槃銘曰車宮銅承燭槃重三斤八兩
五鳳四年造是漢時有承槃之制故先鄭舉以况舟

裸用罍彝注罍讀爲稼稼彝畫禾稼也 案量人先鄭注

罍讀嫁娶之稼稼之言嫁

詳見前

其義同也明堂位注罍畫

禾稼也義本先鄭

其朝獻用兩著尊者注略尊也或曰著尊著地無足明堂
位曰著殷尊也 案明堂位注著著地無足說文引作著

尊董道廣川書跋著尊內府古尊昔嘗出示於朝故人得圖之無足無銘刻腹爲獸首附肩著耳又著尊殷制也其形範樸古無復疑者昔內府出周著尊文采繁縟夔躍龍翔雷回雲紆有旋動之勢此固爲周制也

其饋獻用兩壺尊注壺者以壺爲尊春秋傳曰尊以魯壺案聘禮注云壺酒尊也鐘鼎款識有弓壺蛟篆壺欽姬壺薛尚功曰壺酒之下尊也

裸用虎彝蜚彝注鄭司農云蜚讀爲蛇虺之虺或讀爲公用射隼之隼元謂蜚屬叩鼻而長尾案說文虫部蜚如母猴叩鼻長尾从虫佳聲蜚字从虫虫與虺通用故讀

爲虺蜺又從佳聲鳥部隼或離字也故又讀爲隼虞書宗
彝馬注虎也鄭注虎彝蜺彝鐘鼎款識有蜺尊蓋名曰五
周作父乙尊蜺彝薛尚功曰旁刻獸形其尾長而末有歧
正蜺也廣川書跋亦有虎彝呂大臨曰兩耳飾以虎首蓋
虎彝又有蜺彝攷古圖曰祕閣所藏大小七器形制略相
似其一大者爲行獸二首及身有班文似虎而歧尾如蜺
凡酒脩酌注修讀如滌濯之滌滌酌以水和而沛之今齊
人命沽酒曰滌案滌从條聲條修从攸聲滌狼氏注杜
子春云條當爲滌器之滌漢書恩澤侯表脩侯注修讀曰
條古修條滌聲相近

司几筵設紛純注鄭司農云紛讀爲幽又讀爲和粉之粉謂白繡也案紛幽聲相近粉从米分聲集韻十七眞邪幽幽同文選上林賦玢幽文鱗注玢幽文理貌音紛彬尙書鄭注粉米白米也故此注謂白繡

加次席黼純注次席桃枝席有次列成文案釋草桃枝四寸有節文選吳都賦注桃笙桃枝簟也

祀先王昨席亦如之鄭注司農云昨席於主階設席王所坐也案唐石經原刻作昨席先鄭云主階則讀爲昨古昨與昨通荀子哀公篇登自昨階注昨與昨同曹騰碑踐昨之初亦以昨爲昨昨昨昨酢皆从乍聲古或假借上文

諸臣之所昨也注昨讀爲酢字之誤也下昨席注昨亦讀曰酢

筵國賓於牖前亦如之注鄭司農云禮記國賓老臣爲布筵席於牖前元謂國賓諸侯來朝孤卿大夫來聘案通典第七十四卷引馬融說國賓二王後與先後鄭不同

其柏席用萑藹純注鄭司農云柏席迫地之席葦居其上案柏迫聲相近漢書溝洫志魚弗鬱兮柏冬日師古曰柏讀與迫同

凶事仍几注故書仍爲乃鄭司農乃讀爲仍案仍从人乃聲釋詁仍乃也郭注云未詳是未攷周禮注也漢書匈

奴傳仍再出定襄數百里擊匈奴史記仍作乃說文乃部
國从乃省西聲讀若乃直卽通字釋詁通乃也古乃仍通
用故許君先鄭讀如仍也

天府以貞來歲之歲惡注鄭司農云貞問也易曰師貞丈
人吉問於丈人 案大卜凡國大貞先鄭云貞問也引易
師貞丈人吉禮記緇衣引易恆其德貞鄭注貞問也今易
作貞說文卜部貞卜問也从卜貝以爲贄一曰从鼎省聲
京房所說

典瑞執鎮圭纁藉五采五就以朝日注天子常春分朝日
秋分夕月 案南齊書引馬融傳天子以春分朝日秋分

夕月鄭君亦同師說

瑑圭璋璧琮注鄭司農云瑑有圻鄂瑑起 案說文玉部

瑑圭璧上起兆瑑也从王彖聲引周禮瑑圭璧

祿圭有璫注鄭司農云於圭頭爲器可以挹鬯祿祭謂之

璫故詩曰卹彼玉璫黃流在中國語謂之鬯圭 案說文

玉部瑒圭尺二寸有璫以祠宗廟者也从王易聲瑒與鬯

聲相近卽魯語所謂鬯圭玉人云祿圭尺有二寸有璫以

祀廟

珍圭以徵守注杜子春云珍當爲鎮書亦或爲鎮 案天

府注故書鎮作璫先鄭云璫讀爲鎮釋文鎮又音珍典璫

王執鎮圭注故書鎮作瑱先鄭云瑱讀爲鎮小行人王用
瑱圭釋文瑱劉吐電反案瑱宜作鎮音鎮瑱皆从眞聲古
多假借釋名瑱鎮也縣當耳旁不欲使人妄聽自鎮重也
集韻十七眞珍或从金作鈐鎮寶器也知鄰切與珍音同
琬圭以治德以結好注鄭司農云琬圭無鋒芒故治以結
好 案說文玉部琬圭有琬者从玉宛聲玉人注琬猶圓
也

典命其國家宮室車旗衣服禮儀 案大戴禮朝事作車
旌下同

誓於天子攝其君則下其君之禮一等未誓則以皮帛繼

子男 案朝事作省於天子未誓作未省

各眡其命之數 案朝事作各視眡視古今字

享先王則衮冕注衮卷龍衣也 案劉熙釋名衮冕衮卷也畫卷龍於衣也義本先鄭

享先公饗射則鷩冕注鷩裨衣也元謂鷩畫以雉謂華蟲也 案釋鳥鷩雉說文鳥部鷩赤雉也从鳥敝聲引周禮孤服鷩冕先鄭以鷩爲裨衣蓋以聲近爲訓不如後鄭之確

祀四望山川則毳冕注鄭司農云毳罽衣也元謂毳畫虎 雉謂宗彝也疏爾雅云毛毳謂之罽 案毛詩毳衣如綦

毛傳天子大夫四命其出封五命如子男之服服毳冕以
決訟說文毛部稱以毳爲緇色如黼故謂之稱黼禾之赤
苗者也从毛兩聲引詩毳衣如璠爾雅釋言毳屬也郭注
毛毳所以爲屬釋文引李巡本毳作毳正與先鄭合仲師
義本雅訓與毛公許君說同後鄭謂毳畫虎雌劉熙釋名
謂毳畫藻文皆自爲說當以先鄭爲允 又案鐘鼎款識
周牧敦銘虎冕練裏寅簋銘亦云虎冕薛尚功曰先儒釋
毳冕之章宗彝爲首宗彝有虎雌謂之毳以是攷之虎冕
卽毳冕也

祭社稷五祀則希冕注希讀爲緇或作滫字之誤也疏希

繡鄭君讀希爲黼黼紱也謂刺繪爲繡次 案釋言黼紱也郭注今人呼縫紱衣爲黼說文黼箴縷所紱衣也从甫半省象刺文也尙書詳解引鄭注云紱以爲繡施之於裳聶氏三禮圖引張鑑圖天子孤及卿皆六命則同絺冕之服釋文云希冕本又作絺隋書引三禮圖黼冕天子五旒用玉百二十襍卽黼之異文

凡兵事韋弁服注今時五余本作伍伯緹衣古兵服之遺色

案後漢書安帝紀緹騎營士章懷注續漢志曰執金吾緹騎二百人緹赤黃色百官志注引漢官曰執金吾緹騎二百人五百二十八人服道從光滿道路崔豹古今注伍伯

一伍之伯也五人爲伍五長爲伯一曰戶伯古兵士服韋弁今戶伯服赤幘纁衣素韎弁之遺法也文選西京賦迺卒清候武士赫怒緹衣韎韐睢盱拔扈李善注緹衣韎韐武士之服

弁經服注故書弁作紕鄭司農紕讀爲弁 案說文糸部紕或從鼻作紕鼻籀文弁卽紕字也集韻二十二元紕或作紕紕从弁亦讀如紕古字聲近多通用段氏玉裁謂紕字說文不錄其本義不可知蓋失之不改耳

大司樂中和祗庸孝友注中猶忠也 案中忠古通用漢張遷碑中謇於朝魏橫海將軍呂君碑以中勇顯名州司

皆以中爲忠孝經引詩中心藏之釋文中本亦作忠

興道諷誦言語注道讀曰導言古以剴今也 案道導古
通論語道之以政道之以德漢書刑法志引作導

歌函鐘注函鐘一名林鐘 案林鐘一名百鐘月令律中
林鐘淮南子時則訓作百鐘注百鐘林鐘周語謂林鐘和
展百物故又名百鐘

歌夾鐘注夾鐘一名圖鐘 案隋書十五引賈逵解詁圖
鐘夾鐘也馬融傳應鐘也鄭依賈侍中說

孤竹之管注孤竹竹特生者 案文選東京賦孤竹之管
薛綜注孤竹國名出竹與鄭注不同爾雅釋地觚竹北戶

釋文本又作孤同齊語北伐山戎斬孤竹漢書地理志遼西郡令支縣有孤竹城薛義亦通

九磬之舞注九磬讀當爲大韶字之誤也 案說文革部

鞀鞀遼也从革召聲或作鞀或作鞀籀文从殼召作磬廣韻四宥部舞樂也磬上同又作招尙書大傳招樂興於大鹿之野漢書禮樂志舞作招史記五帝本紀於是禹乃興九招之樂致異物鳳皇來翔天下明德皆自虞帝始呂氏春秋古樂篇帝舜乃令質修九招書言簫韶九成作九磬於義亦通鄭讀从大招因上言舞大磬也

大傀異哉注傀猶怪也大怪異哉謂天地奇變 案說文

人部傀偉也从人鬼聲引周禮大傀異或作僂小徐繫傳本作大傀異災災與裁同偉奇也从人韋聲故鄭君云奇變段氏謂說文引周禮斷去裁字是未攷小徐本也

樂師有帔舞注元謂帔析五采繒今靈星舞子持之是也
案續漢書祭祀志高帝令天下立靈星祠舞者童男十六人服虔應劭曰卽古之二羽也

趨以采薺注故書趨作跲鄭司農云跲當爲趨書亦或爲趨
案說文言部諄讀若論語跲予之足足部無跲字集韻十虞趨躡同十遇趨或作趯釋文跲音倉注反與趨聲相近方言跌蹶也郭注江東言跲古趨跲通用趨亦蹶也

孟子言蹶者趨者是也漢李翕西狹頌屬縣趨教卽趨教也字亦从多

小胥凡縣鐘磬半爲堵全爲肆注鐘磬者編縣之二八十六枚而在一虞謂之堵鐘一堵磬一堵謂之肆案初學記鐘類引三禮圖曰凡鐘十六枚同在一簣虞爲編鐘磬類引三禮圖十六枚同一筍虞謂之編磬徐堅唐初人所引禮圖蓋阮鄭諸圖也藝文類聚四十一引五經要義云周禮鐘磬皆編縣之二八十六而在一簣謂之堵磬一堵謂之肆春秋傳曰歌鐘二肆此之謂也舊唐志劉向五經要義五卷鄭說本於子政蓋漢儒授受之說也

大師金石土革絲木匏竹注金鐘鐃也石磬也土塤也革
鼓鼗也絲琴瑟也木祝敔也匏笙也竹管簫也 案初學
記雜樂引五經通義曰金爲鐘石爲磬絲爲絃竹爲管匏
爲笙土爲塤皮爲鼓木爲祝敔通典引同唐志有劉向五
經通義九卷

令奏鼓輦注鄭司農云輦小鼓也先擊小鼓乃擊大鼓小
鼓爲大鼓先引故曰輦輦讀爲道引之引元謂鼓輦猶言
擊輦詩云應輦縣鼓 案周頌應田縣鼓箋云田當作輦
輦小鼓在大鼓旁應輦之屬也聲轉字誤變而作田明堂
位周縣鼓注引周頌應輦縣鼓說文申部輦擊小鼓引樂

聲也从申東聲玉篇幃弋振切小鼓在大鼓上擊之以引樂也集韻十七準幃引同音許君訓幃爲引與先鄭讀同廣雅舊憲音引詩應幃縣鼓初學記鼓類引纂要云應鼓曰幃鼓亦曰幃鼓幃音允亦曰田鼓允者引也言先擊鼓以引大鼓也又見三禮圖九經字樣幃幃懸鼓也上說文下經典相承古田陳同音陳从阜从木从申聲幃亦从申故鄭云聲轉字誤變而作田也

執同律以聽軍聲而詔吉凶注兵書曰王者行師出軍之日授將弓矢士卒振旅將張弓大呼大師吹律合音商則戰勝軍士強角則軍擾多變失士心宮則軍和士卒同心

徵則將急數怒軍士勞羽則兵弱少威明疏武王出兵之書 案史記律書武王伐紂吹律聽聲推孟春以至於季冬教氣相并而音尙宮正義引兵書云夫戰大師吹律合商則戰勝軍事尙強角則軍擾多變失志宮則軍和主卒同心徵則將急數怒軍士勞羽則兵弱少威焉

小師埴注埴燒土爲之大如雁卵 案毛傳土曰埴風俗通云埴燒土也圍五寸半長三寸半有四孔其二通凡爲六孔釋樂大埴謂之𪔐郭注埴燒土爲之大如鵝子銳上平底形如秤錘六孔小者如雞子通鑑注引孫炎曰聲大如叫呼也說文埴樂器也以土爲之六孔

管注管如簾六孔 案釋樂大管謂之簫郭注管長尺圍
寸併漆之有底賈氏以爲如簾之六孔賈氏謂賈逵蓋周
禮解詁文也鄭司農與賈侍中俱事杜子春故其說同說
文竹部管如簾六孔十二月之音物開地牙故謂之管从
竹官聲許君从賈氏受古學故說亦同風俗通引禮樂記
管漆竹長一尺六孔漢書律志孟康注引禮樂器記同劉
向別錄樂記二十三篇樂器第十三應氏孟氏所引蓋此
篇之文

眠瞭整愷獻注杜子春云讀整爲曼戚之戚謂戒守鼓也
擊鼓聲疾數故曰戚 案說文壹部作𡗗讀若戚許君从

賈逵受學賈君从杜子春受業其淵源一也

典同高聲硯注故書硯或作硯杜子春讀硯爲鏗鎗之鏗
鄭大夫讀硯爲袞冕之袞釋文硯音艱又苦耕反字林音
限云石聲鏗苦耕反 案集韻二十八山硯居閑切鐘高
聲二十一混硯鐘病聲謂鐘高則聲上藏袞然旋如裏樂
記非聽其鏗鏘而已也史記作鏗鎗杜讀从之集韻二十
三魂硯鐘病聲又讀如昆而魂韻有鞞猥猥浪皆从艮之
字古硯硯聲相近也硯在山韻而山韻猥猥从堅又有臥
擊古硯鏗亦聲相近也鄭大夫讀爲袞者衡方碑將投鞞
職高頤碑當登鞞職樊敏碑當窮台鞞皆以鞞爲袞硯袞

音近故讀从衰

下聲肆注鄭司農云鐘形下當脾釋文脾音婢李又孚癸反一音豐已反或音蒲年反 案集韻四紙脾形下大也或作卑通作庫又一先脾下廣也蒲眠切

陂聲散注陂讀爲人短罷之罷 案陂罷聲相近釋名披擺也漢書司馬相如傳罷池陂陀郭璞曰罷音疲卽陂池也

微聲餽注餽讀爲鶉鵲之餽元謂餽讀爲飛鉗涅餽之餽餽聲小不成也 案說文音部餽下微聲从音會聲喪服四制引書高宗諒闇注闇讀如鶉鵲之餽尚書大傳鄭注

亦云聞讀如鶴集韻二十五沾涅其兼反鬼谷篇有飛鉗

涅聞劉昌宗說

賈疏亦謂鬼谷子文

侈聲作注作讀爲行扈喈喈之喈元謂侈則聲迫作出去疾也 案作喈聲相近說文言部諧大聲也讀若竿或从口作喈竹部竿迫也釋名竿迮也編竹相連迫迮也

薄聲甄注甄讀爲甄耀之甄甄猶掉也疏讀從春秋緯甄耀度之篇名 案孫穀古微書有洛書甄耀度光武封禪刻石引洛書甄耀度蜀志劉豹向舉等上先祖言符瑞勸進亦引洛書甄耀度疏謂春秋緯未聞疑賈氏誤記也集韻二十一震甄掉也鐘病聲之刃切三十六效掉聲甄動

也引鄭康成曰鐘微薄則聲掉

磬師教緦樂燕樂之鐘磬注元謂緦讀爲緦錦之緦謂雜聲之和樂者也 案史游急就篇錦繡緦純離雲爵

鐘師以鐘鼓奏九夏注繁遏執僊也釋文僊音競 案周頌執競箋云競疆也集韻四十三映倜僊說文彊也或从竟音與競同

祓夏注杜子春云祓讀爲咳鼓之咳 案大僕注故書戒爲駭詩序南陔孝子相戒以養也祓咳聲相近

笙師等注鄭司農云等三十六簧 案風俗通云管三十六簧也先鄭蓋本逸禮記文

簫注元謂簫如篴三空 案少儀注簫如笛三孔正義曰
案漢禮器知之後鄭此注據叔孫通漢制度文

篴注杜子春讀篴爲蕩漈之漈今時所吹五空竹篴 案
風俗通云笛者漈也所以蕩漈邪穢內之於雅正也釋名
篴漈也其聲漈漈然也故杜讀爲漈篴从逐聲易其欲逐
逐釋文蘇林音迪漢書敘傳注引易其欲漈漈音漈篴
漈聲相近五經文字云笛篴二同並徒的反樂器也玉篇
篴同笛

春牘注鄭司農云春牘以竹大五六寸長七尺短者一二
尺其端有兩空聚畫以兩手築地 案釋名釋樂器春撞

也。牘築也以春築地爲節也。

雅注雅狀如漆筓而弇口大二圍長五尺六寸以羊韋鞞之有兩紐疏畫。案樂記訊疾以雅注雅亦樂器名也。狀如漆筓中有椎正義曰以漢時制度而知也。

旄人掌教舞散樂注散樂野人爲樂之善者若今黃門倡矣。漢制攷漢禮樂志成帝時鄭聲尤甚黃門名倡丙彊景武之屬富顯於世藝文志黃門倡車忠等歌詩十五篇。典庸器帥其屬而設筓虞注杜子春云筓讀爲博選之選橫者爲筓縱者爲鐻。案梓人先鄭注筓讀爲竹筓之筓。明堂位作龔虞毛詩靈臺傳植者曰虞橫者曰枸集韻十

七準箕箕楔枸所以懸鐘磬橫曰箕植曰竇或作箕楔枸
箕選並从巽聲故杜讀筍爲選